



**Robert Tvrneri Devonii Oratoris Et Philosophi
Ingolstadiensis Panegyrici Dvo**

Turner, Robert

Ingolstadii, Anno M. DC. IX.

Robertvs Tvrnervs Henrico Dethico S. P. D. Leodivm. XXVI.

[urn:nbn:de:hbz:466:1-69598](#)

medullis. & adhuc accusas? non accusas, noui candom
rem; aut si accusas, id est, vt me ames, si non arden-
tius, certè liquidius in meis literis. scribo ergo me de
hoc amore amaturum te, quamdiu suppeditat vita.
præterea promitto, nunquam posthac me omissurum
occasione testandi huius amoris, etiam literis, quic-
quid erit negotiorum. notionem hanc nunc tantum
moneo, posthac explicabo fusiū: nam tam ero multus
in scribendo, quām sui in amando constans: vt si ha-
ctenus obiurges silenjū, posthac reprehendas garru-
litatem, nihil hīc rei nouē, nisi me esse antiquum. e-
tiam superioribus diebus addidi nugas, mitto, non vt
probes, sed vt videas, & si voles, ames. nam partus a-
amicorum amici amant, etiam bursotos & squallidos.
de re nulla non venor tuam auram; sed de hoc signo
amoris venor tuam gratiam. Vale. méque ama. In-
golstadij.

ROBERTVS TVRNERVS
HENRICO DETHICO S.P.D.

LEODIVM.

XXVI.

Venit ad me ANTONIVS tuus, Deus bone,
quanta suavitate, quanta prudentia iuuenit?
elucet in ipsis vultu indoles, in sermone ingenium.
quanti dolorū est aut tanta indolis speciem obsole-
scere,

scere, aut tanti ingenij aciem habescere, vel certe voluntari in putidulis illis vsus forensis lacunis acordibus? heus. vis operam Leodiensi Ecclesia utilem, Deo oppido quam gratissimam nauare? facias ut Cornelius traducat suum nepotem a foro ad pulpitum, a questu ad aram? quid? qui sincerè pius est, & solidè prudens (his coloribus poluiisti eum mihi) non patiatur iudicium in se desiderari, vt velit tam generosus sui nepotis spiritus per angustis illis Baldi ac Bartoli terminis, tanquam carceribus, includi. o si illud ingenium possit expatiari per amplos illos Theologie reconditoris campos, aut si tanta indeoles (quantam videor in ipsius vultu admirari) flores vellet hinc ex Thoma. illinc ex Augustino vnum aut alterum annum tenuiter libare, quantus esset? Ambrosius esset. natura namque eum videtur finxisse ad pulpitum, ita loquitur distinctè, enucleatè, grauiter. quod si nolit eius auunculus induci in eam mentem, agrè quidem cedo, cedo tamen. Ecclesia eget Baldi, si non possit habere Ambrosios. non enim hac scribo, vt prescribam prudentissimis legem, sed vt probem humanissimis meam voluntatem. siquidem amo sincerè & nepotem in auunculo, & auunculum in nepote, & in tua caussa utrumque, cum virumque sic efferas, sic prædices, vt videaris velle in hoc honestando, honrando illo tuam tuorumque totam operam, voluntatem, facultatem consumi. de opera ac facultate promitto omnia, de voluntate ne erres, tanta est & in omnes

Omnes partes tam latè fusa, ut horum sanè caussa ve-
lim, etiam quæ non possum. Atque hæc quam since-
re vellem, inde vides, quod præstiti nepoti eius, quæ
imperasti, singula. quod si quid velis adiungi tan-
quam cumulum, id scribe, eccum me illi vel officio-
sissimum hominem, vel promptissimum amicum. cu-
pido namque vehementer probare illi meam fidem &
animum, idquæ in re, si obieceris, difficilla. heu, mi
DE THICE, periuimus. Illa spes Angliae, gloria Oxo-
nij, ornementum Romanæ scholæ, angelus Anglus oc-
cidit. non intelligi? politula illa veræ pulchritudinis
forma, expressa summæ virtutis effigies, ille totius do-
ctrinæ futurus antistes, puer senex interiit. etiam-
num dubitas? ille, qui tam acriter intelligebat, vt Se-
raphicæ mentes eius animo viderentur impressisse di-
uinum lumen, ille parvus homo, magnus Theolo-
gus obiit. in re tam clara queri apertiora? hei mihi,
Christophorus noster Ouoënius febri extinctus prius
sit angelus, quam cognoscitur esse homo: quanquam
sic homo semper fuit, vt in forma humana videre-
tur delitusse angelus. vnde aptius videtur dicendum
inuidisse vel cœlum terræ certum angelum, vel natu-
ram hominibus senem puerum, vel Seraphicas men-
tes nostræ cæcitatí diuinum lumen. quicquid est,
lugent omnia, Roma extinctum suum lumen,
schola deformatam suam gloriam, Anglia exclusans
suam spem, Societatis Pares translatum suum an-
gelum, amici ereptam suam suavitatem. ô inuidians

naturam, o cœlum penè dixeram auarum, sed mere-
pressi, ne dum lugeam hominem, violem Deum, imò
percommode fortasse cecidit. nam terra, quæ còiam
prorupit audacia, ut se crederet diuinam quandam
comprehendisse prudentiam, nonne bellum cœlo Gy-
gantium denuò indiceret facile, si vnum se crederet
habere aut alterum angelum? laudetur ergo Deus in
vita Sanctorum, reprimatur homo in morte Ange-
lorum. De Hispano feliciter omnia, pedem posuisse in
Lusitania, multos fregisse metu, plurimos illexisse
largitione, occupasse Elues, ciuitatē, quæ Lusitaniam
disterminat ab Hispania, longè munitissimam, irru-
pisse in agrum intimum, Principes quasdam ciuitates
tenere, latè grassari per omnia, sine sanguiniferamen,
aut hoste, qui frōtem hactenus audeat opponere fon-
ti. Agit Lusitanus verbo in circulis, Hispanus ense in
campis: ut qui Romæ agganniebant Philippo Lusa-
ni omnes, iam timeant ac mussent in angulis mis-
eri, se missum iri sub iugum Hispani. misellus populus,
qui cùm nihil possit contra tam potentem Regem, o-
stendit tamen se velle, si possit, ut miseriam suam im-
prudentia faciat miseriorem. Philippus cum primū
rem cœpit aggredi ferro, Lusitani illum ex libero lecto
filium creārunt Regem, tantamne in Lusitanagente
stultitiam? Philippo Antonium, legitimo notum,
potentissimo inopem rei, prudentissimo impotem con-
lī in tanta perturbatione opponere? puto certè genit
alioqui prudentissimæ Afrum superiori expeditione
non

non solum attruiisse rem, sed cæcasse etiam mentem,
vt nesciat, quam rem agat. alia sunt. quid expectas?
stulta sunt. Vale. Romæ.

ROBERTVS TVRNERVS

IOANNI VIETORI MONACENSI,
suo S. P. D.

INGOLSTADIVM.

XXVII.

Quantite facio (mi IOANNES) nosti, si me no-
sti. nam à quo primùm tempore te vidi, cœpi e-
tiam videre & amare in te quasdam notas & scintil-
las virtutis, candoris, indolis. quod si hæ notæ & vir-
tutum tuarum scintillæ vehementem amoris motum
mihi inusserint, quid putas futurum, si ex his vel no-
tis expresseris imagines, vel scintillæ excitâris flam-
mas? nosti meum ingenium vehemens & peracre in
omnem partem, siue amaro, siue odero. nam si odero,
illa, quibus Verrem meus Cicero, aut suum Ibin Ouidius
figunt, conuitia communia parum sunt meo odio
explendo. econtrâ lepores, Veneres, ocelli, suavitates,
medullæ, viscera, aliaq; verborū deliciæ, quibus amici
deliniunt amicos, non satis explicant, quantum amo,
si amo. nam stupidè amant, qui possunt explicare,
quantum amant. quid multa? quos odi, non lacero,
sed perdo, idq; tam tectè, vt prius sentiant se perditos

z 3

quam